

竹書紀年

冊全



竹書紀年

四部備要

史部

上海中華書局據平津館

本校刊

桐鄉 陸費達 總勘

杭縣 高時顯 輯校

杭縣 丁輔之 監造

校正竹書紀年序

今本竹書紀年二卷不知何人撰集案晉書束皙傳云晉太康二年盜發魏襄王墓或言安釐王冢得竹書數十車其紀年十三篇隋書經籍志紀年十二卷新唐書藝文志紀年十四卷今本紀年止二卷其誤一束皙傳云紀年十三篇記夏以來至周幽王爲犬戎所滅以事接之三家分仍述魏事至安釐王之二十年杜預春秋後序云紀年篇起自夏殷周皆三代王事無諸國別也唯特晉國起自殤叔次文侯昭侯以至曲沃莊伯皆用夏正建寅之月爲歲首編年相次晉國滅獨記魏事下至魏哀王之二十年據此二說束皙杜預所見紀年本起自夏殷至周幽王以後以晉紀年晉滅以魏

紀年今本紀年乃起自黃帝至魏今王二十年幽
王以後皆以周王紀年其誤二水經丹水注引晉
烈公三年楚人伐我南鄙汶水注引晉烈公十二
年王命韓景子趙烈子及我師伐齊我者晉也沁
水注引梁惠成王元年趙成侯偃韓懿侯若伐我
葵河水注引梁惠成王二年齊田壽帥師伐我圍
觀我者魏也若如今本用周王紀年則我皆爲周
文義盡失其誤三今本有沈約注案梁書沈約傳
並不言注竹書紀年隋唐志亦無紀年沈約注今
本注文多與宋書符瑞志相同疑皆後人羸入其
誤四然今本頗信其非出於僞撰者史記魏世家
集解引和嶠云紀年起自黃帝終於魏之今王郭
璞注山海經引竹書昌意降居若水產帝乾荒又

引顓頊產伯鯨是維若陽與今本同與束皙杜預
本異隋書經籍志有竹書同異一卷疑當時所得
竹書傳寫各異其本亦不能盡歸於一今本或猶
是和嶠郭璞所見之舊其證一新唐書劉昫傳云
昫嘗以竹書紀年序諸侯列會皆舉諡後人追修
非當時正史如齊人殲於遂鄭棄其師皆孔子新
意知按春秋經傳而爲也今本文法大略相似是
今本所存其未見前人所引者亦不能遽定其爲
後人掇拾他書所爲其證二今本夏殷後皆有總
記年數幽王後亦云自武王元年己卯至幽王庚
午二百九十二年平王下云自東遷以後始紀晉
事王卽位皆不書疑今本唯東遷以後周王紀年
是後人所改其餘皆紀年原文其證三沈約注雖

由後人僞題韓愈黃陵廟碑引竹書紀年云帝王之崩曰陟史記夏本紀集解文選六代論李善注引自禹至桀十七世有王與無王用歲四百七十一年皆作紀年是舊本紀年本有注文唯爲後人所羸亂耳其證四據此則今本紀年雖經後人變改殘闕失次非僞書可比庚申夏頤煊游學武林孫淵如觀察屬重校是書因仍取今本歷證羣書所引訂正於每年之下并補脫五十餘條注中有明見於宋書符瑞志者削之其可信者存之明知非汲冢之舊亦聊存梗概而已書成因序其大略如此嘉慶七年三月二日臨海洪頤煊撰

光緒歲在闕逢涸灘國子監肄業生吳縣朱記榮
校刊

竹書紀年序

竹書紀年目錄

卷上

黃帝軒轅氏

帝摯少昊氏

帝顓頊高陽氏

帝嚳高辛氏

帝堯陶唐氏

帝舜有虞氏

帝禹夏后氏

帝啓

帝太康

帝仲康

帝相

帝少康

帝杼

帝芬

帝芒

帝泄

帝不降

帝扃

帝廛

帝孔甲

帝昊

帝發

帝癸

殷商成湯

外丙

仲壬

太甲

沃丁

小庚

小甲

雍己

太戊

仲丁

外壬

河亶甲

祖乙

祖辛

開甲

祖丁

南庚

陽甲

盤庚

小辛

小乙

武丁

祖庚

祖甲

馮辛

庚丁

武乙

文丁

帝乙

帝辛

卷下

周武王

成王

康王

昭王

穆王

共王

懿王

孝王

夷王

厲王

宣王

幽王

平王

桓王

莊王

釐王

惠王

襄王

頃王

匡王

定王

簡王

靈王

景王

敬王

元王

貞定王

考王

威烈王

安王

烈王

顯王

慎靚王

隱王

光緒歲在闕逢涪灘國子監肄業生吳縣朱記榮
校刊

竹書紀年目錄

竹書紀年卷上

臨海 洪頤煊 校

黃帝軒轅氏

史記魏世家集解引和嶠云紀年起自黃帝終於魏之今王

元年帝卽位居有熊 初制冕服

二十年景雲見以雲紀官

五十年秋七月庚申鳳鳥至帝祭于洛水

徐文靖本作五十七年

五十九年貫胸氏來賓 長股氏來賓

七十七年昌意降居若水產帝乾荒

山海經海內經注引同孫之駮

本無帝字

一百年地裂 帝陟

帝王之崩皆曰陟書稱新陟王謂新崩也帝以土德王應地裂而崩葬羣臣有左徹者感恩帝

德取衣冠几杖而廟饗之諸侯大夫歲時朝焉

韓愈黃陵廟碑引竹書紀年云帝王之崩曰陟太平御覽七十
九引抱朴子曰汲郡冢中竹書言黃帝既仙去其臣有左徹者
削木爲黃帝之像帥諸侯朝奉之據二條此非注文可知今本
帝後總論或年下附注疑紀年原文如此後人傳寫誤與注文
相亂今惟刪去宋書符瑞
志并約按語餘皆存之

帝摯少昊氏

吳瑄本無此五字路史引紀年云黃帝死七年
其臣左徹乃立顓頊羅泌所見本疑亦無此五

字

帝顓頊高陽氏

元年帝卽位居濮

十三年初作曆象

二十一年作承雲之樂

三十年帝產伯鯨居天穆之陽

山海經大荒西經注引
伯鯨下有是維若陽四

字

七十八年帝陟

術器作亂辛侯滅之

帝饗高辛氏

元年帝卽位居亳

十六年帝使重帥師滅有郟

吳本苑欽本郟作創

四十五年帝錫唐侯命

六十三年帝陟

帝子摯立九歲而廢

帝堯陶唐氏

元年丙子帝卽位居冀

諸書引竹書紀年皆無甲子紀年惟隋書律曆志引竹書紀年堯元

年景子路史後紀注引帝堯元年丙子與今本同

命羲和曆象

五年初巡狩四岳

七年有麟

十二年初治兵

十六年渠搜氏來賓

十九年命共工治河

二十九年春雋僥氏來朝貢沒羽

四十二年景星見于翼

孫云一作景星出翼軫

五十年帝遊于首山乘素車元駒

五十三年帝祭于洛

五十八年帝使后稷放帝朱于丹水

史記五帝本紀高祖本紀正義

兩引俱作后稷放帝于丹水山海經海內南經注云竹書亦云放帝朱于丹水丹朱稱帝者猶漢山陽公死加獻帝之謚也郭璞所見本帝下無子字今从之

六十一年命崇伯鯀治河

六十九年黜崇伯鯀

七十年春正月帝使四岳錫虞舜命

七十一年帝命二女嬪于舜

七十三年春正月舜受終于文祖

七十四年虞舜初巡狩四岳

七十五年司空禹治河

七十六年司空禹伐曹魏之戎克之

八十六年司空入覲贊用玄圭

八十七年初建十有二州

八十九年作游宮于陶

九十年帝游居于陶

九十七年司空巡十有二州

一百年帝陟于陶

史記五帝本紀正義引竹書云昔堯德衰為舜所囚又引竹書云舜囚堯復偃塞丹

朱使不得與父相見也史通疑古篇引汲冢書云舜放堯于平陽
雜說篇引汲冢瑣語云舜放堯于平陽而書云某地有城以囚堯
為號識者憑斯異說頗以禪受為疑廣宏明集十一引汲冢竹書
云舜囚堯於平陽取之帝位今見有囚堯城皆與今本異據史通

所引是瑣語之文

帝子丹朱避舜于房陵舜讓不克朱遂封于房

爲虞賓三年舜卽天子之位

爲虞賓三字本脫从范本補

帝舜有虞氏

元年己未帝卽位居冀

作大韶之樂

三年命咎陶作刑

北堂書鈔十七引同吳本咎作臯

九年西王母來朝

十四年卿雲見命禹代虞事

十五年帝命夏后有事于太室

十七年春二月入學初用萬

二十五年息慎氏來朝貢弓矢

二十九年帝命子義鈞封于商

三十年葬后育于渭

三十二年帝命夏后總師遂陟方岳

三十三年春正月夏后受命于神宗遂復九州

三十五年帝命夏后征有苗有苗氏來朝

通鑑外紀一注引隨

巢子汲冢紀年云三苗將上天雨血夏有冰地坼及泉青龍生于廟日夜出晝日不出三苗數叛數亡未知衆異出于何時今本不載有苗之亡附記于此

四十二年元都氏來朝貢寶玉

四十七年冬隕霜不殺草木

四十九年帝居于鳴條

五十年帝陟

帝義鈞封于商是謂商均后育娥皇也鳴條有蒼

梧之山帝崩遂葬焉

今本下有今海州三字是後人所加今刪

帝禹夏后氏

元年壬子帝卽位居冀

漢書地理志注臣瓚曰世本禹都陽城汲郡古文亦云居之今作居

冀 頒夏時于邦國

二年咎陶薨

五年巡狩會諸侯于塗山

八年春會諸侯于會稽殺防風氏 夏六月雨金于夏邑 秋八月帝陟于會稽

禹立四十五年禹薦益于天七年禹崩三年喪

畢天下歸啓

禹立四十五年本作正文从孫本改正

帝啓

元年癸亥帝卽位于夏邑大饗諸侯于鈞臺諸侯從帝歸于冀都大饗諸侯于璿臺

二年費侯伯益出就國 王帥師伐有扈大戰于

甘

六年伯益薨祠之

晉書束皙傳紀年篇云益于啓位啓殺之史通疑古篇雜說篇兩引竹書云益爲后

啓所誅與今本異

八年帝使孟涂如巴泄訟

十年帝巡狩舞九韶于天穆之野

山海經大荒西經注引竹書曰夏后開舞

九韶路史後紀十四注引紀年啓登后九年舞九韶

十一年放王季子武觀于西河

十五年武觀以西河叛彭伯壽帥師征西河武觀

來歸

北堂書鈔十三引啓征西河路史國名紀六西河注后啓征之見紀年

十六年陟

真誥十五引竹書啓卽位三十九年亡年七十八路史後紀十四注引作啓二十九年九十八與今本

異

帝太康

元年癸未帝卽位居斟鄩

漢書地理志注臣瓚曰汲郡古文云太康居斟尋亦居之桀

亦居之史記夏本紀正義引同 畋于洛表羿入居斟尋

四年陟

帝仲康

元年己丑帝卽位居斟鄩

五年秋九月庚戌朔日有食之命胤侯帥師征羲

和

六年錫昆吾命作伯

七年陟世子相出居商丘依邳侯

一作依同姓諸侯斟灌斟鄩○

今本紀年有沈約大字注又有小字注不云何人今仍之

帝相

元年戊戌帝卽位居商

太平御覽八十二引作處商

征淮夷

太平御覽

八十二路史後紀十四引皆同

二年征風夷及黃夷

風下本脫夷字从太平御覽八十二引補

七年于夷來賓

後漢書東夷傳注路史後紀十四引皆同

八年寒浞殺羿使其子澆居過

九年相居于斟灌

水經巨洋水注引汲郡古文相居斟灌孫本無于字

十五年商侯相土作乘馬遂遷于商丘

土本作士从吳本徐本范

改本

二十年寒浞滅戈

二十六年寒浞使其子澆帥師滅斟灌

二十七年澆伐斟鄩大戰于濊覆其舟滅之

二十八年寒浞使其子澆弑帝后緡歸于有仍伯靡出奔鬲

斟灌之墟是爲帝丘后緡方娠逃出自竇歸于

有仍伯靡歸有鬲氏

夏世子少康生

丙寅年

少康自有仍奔虞

乙酉年

伯靡自鬲帥斟鄩斟灌之師以伐浞世子少康使

汝艾伐過殺澆

甲辰年○艾本作文
从吳本徐本范本改

伯子杼帥師滅

戈

孫本與下文
連爲一條

伯靡殺寒浞少康自綸歸于夏邑

乙巳年○夏世子以下五條是後人所附

帝少康

元年丙午帝卽位諸侯來朝賓虞公

二年方夷來賓

後漢書東夷傳注引云少康卽位方夷來賓

三年復田稷

后稷之後不窋失官至是而復

爾雅釋親注引竹書云不窋之暴孫疑此

文脫

十一年使商侯冥治河

十八年遷于原

二十一年陟

帝杼

元年己巳帝卽位居原

太平御覽八十二引同

五年自原遷于老丘

太平御覽八十三路史後紀十四注引丘作王御覽引自下脫原字

八年征于東海及三壽得一狐九尾

山海經海外東經注引征上有

柏杼子三字

十三年商侯冥死于河

十七年陟

杼或作帝宁一曰伯杼杼能帥禹者也故夏后氏報焉

帝芬

元年戊子帝卽位

三年九夷來御

後漢書東夷傳注引同

十六年洛伯用與河伯馮夷鬪

山海經海內北經注云穆天子傳所謂河伯无

夷者竹書作馮夷

三十三年封昆吾氏子于有蘇

三十六年作圜土

竹書紀年卷上

七中華書局聚

四十四年陟

路史後紀十四注引同

芬或曰芬發

帝芒

元年壬申帝卽位以元珪賓于河

北堂書鈔八十九路史後紀十四引同

十三年東狩于海獲大魚

北堂書鈔八十九路史後紀十四注引同吳本徐本孫本皆作

狩冬

三十三年商侯遷于殷

五十八年陟

太平御覽八十二引同

芒或曰帝荒

北堂書鈔八十九引作后荒

帝泄

元年辛未帝卽位

十二年殷侯子亥賓于有易有易殺而放之

十六年殷侯微以河伯之師伐有易殺其君緜臣

殷侯子亥賓于有易而淫焉有易之君緜臣殺而放之故殷上甲微假師于河伯以伐有易滅之遂殺其君緜臣中葉衰而上甲微復興故殷人報焉

山海經大荒東經注引此作竹書自中葉以上皆同郭璞注山海經在沈約前則此條之非注明矣又郭

注云河伯僕牛皆人姓名見汲郡竹書今本無僕牛

二十一年命吠夷白夷赤夷玄夷風夷陽夷

今本白夷

以下作玄夷風夷□□黃夷從後漢書東夷傳注引改路史後紀十四注引下有緜是服從四字

二十五年陟

路史後紀十四注引作二十一年陟

帝不降

元年己亥帝卽位

六年伐九苑

太平御覽八十二路史後紀十四注引同

三十五年殷滅皮氏

五十九年遜位于弟局

帝曷

元年戊戌帝卽位

十年帝不降陟

三代之世內禪惟不降實有聖德

十八年陟

帝廛

一名胤甲

太平御覽八十三引此作紀年下同

元年己未帝卽位居西河

山海經海外東經注引作胤甲卽位

四年作西音 昆吾氏遷于許

八年天有祲孽十日並出其年陟

山海經海外東經注開元占經六太平御

覽八十三引作天有妖孽十日並出皆與上文帝卽位居西河連爲一條惟通鑑外紀一引十日並出下云其年胤甲陟與今本合御覽引並出下有又言本有十日迭次而遣運照無窮十四字

帝孔甲

元年乙巳帝卽位居西河
廢豕韋氏使劉累豢
龍

三年王畋于蕢山

五年作東音

七年劉累遷于魯陽

九年陟殷侯復歸于商丘

帝昊

昊一作皐

元年庚辰帝卽位
使豕韋氏復國

三年陟

帝發

一名后敬或曰發惠

太平御覽八
十三引同

元年乙酉帝卽位
諸夷賓于王門再保墉會于

上池 諸夷入舞

北堂書鈔八十二引同後漢書東夷傳注引無再保壙會于上池七字孫本無會字

七年陟 泰山震

帝癸

三一名桀

元年壬辰帝卽位居斟鄩

皇天對國

三年築傾宮

文選東京賦注引汲冢古文云夏桀作傾宮瑤臺燁百姓之財七發注引汲冢古文云桀作傾

宮飾瑤臺皆與今本異

毀容臺

吠夷入于岐以叛

六年岐踵戎來賓

備于商五

十年五星錯行夜中星隕如雨

地震

伊洛竭

十一年會諸侯于仍有緡氏逃歸遂滅有緡

十三年遷于河南

初作輦

十四年扁帥師伐岷山

注云一作山民

癸命扁伐山民

太平御覽三百八十二引作岷山

山民進女子桀

進字

本脫从御覽一百三十五引補

二人曰琬曰琰后愛二人女無子

焉斲其名于苕華之玉苕是琬華是琰而棄其

元妃于洛曰妹喜氏以與伊尹交遂以亡夏

史記

司馬相如列傳集解引郭璞云汲冢竹書云桀伐岷山云云又山海經西山經郭注云離騷云懷琬琰之華英汲冢書所謂若華之玉今本曰妹喜以下作於傾宮飾瑤臺居之从御覽一百三十五引改

十五年商侯履遷于亳

成湯元年

十七年商使伊尹來朝

二十年伊尹歸于商及汝鳩汝方會于北門

二十一年商帥師征有洛克之遂征荆荆降

師字本脫

从孫本補

二十二年商侯履來朝命囚履于夏臺

二十三年釋商侯履 諸侯遂賓于商

二十六年商滅温

竹書紀年卷上

十 中華書局聚

二十八年昆吾氏伐商商會諸侯于景亳遂征韋
商師取韋遂征顧 太史令終古出奔商

二十九年商師取顧 三日並出 費伯昌出奔

商 冬十月鑿山穿陵以通于河

三十年瞿山崩 殺其大夫關龍逢 商師征昆

吾 冬聆隧災

三十一年商自陟征夏邑克昆吾大雷雨戰于鳴

條夏師敗績桀出奔三朶商師征三朶戰于邠獲

桀于焦門放之于南巢 太平御覽八百八十九路史後紀十
四引紀年夏桀末年社拆裂其年

爲湯所放今
本無此文

自禹至桀十七世有王與無王用歲四百七十

一年 史記夏本紀集解文選六代論注引此皆作紀年晉書
東晉傳引紀年篇云夏年多殷今本仍殷年多夏非東

哲所見
本也

殷商成湯

出自歸錄 天大霧三日

名履

太平御覽八十引紀年云湯有七名而九征

十八年癸亥王卽位居亳

始屋夏社 大甲

十九年大旱

氏羌來賓

吳本作來貢

二十年大旱

夏桀卒于亭山禁弦歌舞

董本禁弦歌舞四字

別爲一條

二十一年大旱

鑄金幣

孫本無此年

二十二年大旱

二十三年大旱

孫本無此年

二十四年大旱王禱于桑林雨

二十五年作大濩樂

命初巡狩定獻令

二十七年遷九鼎于商邑

二十九年陟

外丙

名勝

太平御覽八十四引同

商邑

元年乙亥卽位居亳命卿士伊尹

二年陟

仲壬

名庸

元年丁丑王卽位居亳命卿士伊尹

杜預春秋後序引同

四年陟

太甲

名至

大旱

夏桀卒于亭山

來實

元年辛巳王卽位居亳命卿士伊尹放太甲

于桐乃自立

杜預春秋後序引命卿士伊尹作仲壬卽位與此不重出伊尹以下皆同

七年王潛出自桐殺伊尹天大霧三日乃立其子

伊陟伊奮命復其父之田宅而中分之

春秋後序引無天大霧三

日天文選豪士賦序注引潛作既廣宏明集十一引汲冢書云伊尹自篡立後太甲潛出親殺伊尹而用其子

十年大饗于太廟 初祀方明

十二年陟

史記魯世家索隱云紀年太甲唯得十二年

沃丁

名絢

太平御覽八十
四引作沃丁絢

元年癸巳王卽位居亳命卿士咎單

八年祠保衡

孫本祠
作嗣誤

十九年陟

小庚

名辯

太平御覽八十四引
同注云卽太庚也

元年壬子王卽位居亳

五年陟

小甲

名高

太平御覽八十四引同

元年丁巳王卽位居亳

十七年陟

雍己

名佑

太平御覽八十四引同

元年甲戌王卽位居亳

十二年陟

太戊

名密

元年丙戌王卽位居亳命卿士伊陟臣扈

七年有桑穀生于朝

十一年命巫咸禱于山川

二十六年西戎來賓王使王孟聘西戎

三十一年命費侯中衍爲車正又戎式戎入來賓

三十五年作寅車

四十六年大有年

五十八年城蒲姑自黨夢于時十四國同

六十一年東九夷來賓

七十五年陟

十六年太戊遇祥桑側身修行三年之後遠方慕明德

十六年重譯而至者七十六國商道復興廟爲中宗

仲丁

名莊

元年辛丑王卽位自亳遷于囂于河上

太平御覽八十四引無于

河上三字

六年征藍夷

後漢書東夷傳注引云仲丁卽位征于藍夷

九年陟

外壬

名發

元年庚戌王卽位居囂

邳人姚人叛爲中宗

十年陟

河亶甲

名整

太平御覽八十四引同

元年庚申王卽位自囂遷于相

太平御覽八十四引同

三年彭伯克邳

四年征藍夷

太平御覽八十四引同

五年佻人入于班方彭伯韋伯伐班方佻人來賓

九年陟

祖乙

名滕

太平御覽八十
一引作祖乙勝

元年己巳王卽位自相遷于耿命彭伯韋伯

二年圮于耿自耿遷于庇

三年命卿士巫賢

八年城庇

十五年命邠侯高圉

十九年陟

祖乙之世商道復興廟爲中宗

太平御覽八十四引
紀年是爲中宗一句

足知前後三
宗皆非注文

祖辛

名旦

元年戊子王卽位居庇

十四年陟

開甲

名踰

太平御覽八十四引同

元年壬寅王卽位居庇

五年陟

祖丁

名新

元年丁未王卽位居庇

九年陟

南庚

名更

太平御覽八十四引同

元年丙辰王卽位居庇

三年自庇遷于奄

自庇二字本脫从太平御覽八十四引補

六年陟

陽甲

大名和

元年壬戌王卽位居奄

太平御覽八十四引作居亳

三年西征丹山戎

孫本作二年山海經大荒北經注竹書云和甲西征得一丹山

四年陟

盤庚

名旬

太平御覽八十四引同史記殷本紀正義引竹書紀年云盤庚字也

元年丙寅王卽位居奄

七年應侯來朝

水經滎水注云汲郡古文殷時已有應國漢書地理志臣瓚注引古文亦云

十四年自奄遷于北蒙曰殷

太平御覽八十四引作自亳遷于北蒙尚書盤庚正

義引汲冢古文云盤庚自奄遷于殷殷在鄴南三十里東哲云尚書序盤庚五遷將治亳舊說以爲居亳御覽所引正與東哲所見

本同史記項羽本紀索隱引汲冢古文亦云盤庚自奄遷于北蒙曰殷虛南去鄴州三十里今本皆無下七字

十五年營殷邑

十九年命邠侯亞圉

二十八年陟

小辛

名頌

太平御覽八十四引同

元年甲午王卽位居殷

三年陟

小乙

名斂

太平御覽八十四引同

元年丁酉王卽位居殷

六年命世子武丁居于河學于甘盤

十年陟

武丁

十名昭

元年丁未王卽位居殷命卿士甘盤

三年夢求傅說得之

六年命卿士傅說視學養老

十二年報祀上甲微

二十五年王子孝己卒于野

二十九年彤祭太廟有雉來

三十二年伐鬼方次于荆

三十四年克鬼方氐羗來賓

四十三年王師滅大彭

五十年征豕韋克之

五十九年陟

王殷之大仁也力行王道不敢荒寧嘉靖殷邦

至于大小無時或怨是時輿地東不過江黃西不過氏羌南不過荆蠻北不過朔方而頌聲作禮廢而復起廟號高宗

祖庚

名曜

太平御覽八十四引同

元年丙午卽位居殷作高宗之訓

十一年陟

祖甲

名載

太平御覽八十四引作帝祖甲載

元年丁巳王卽位居殷

孫本作丁未誤

十二年征西戎冬王返自西戎

陽甲西征得一丹山○據山海經大荒北

經注乃和甲非陽甲也此後人採山海經注誤附于此已見上

命曠士甘盤

十三年西戎來賓命邠侯組紺

二十四年重作湯刑

二十七年命王子囂王子良

三十三年陟

王舊在野及卽位知小人之依能保惠庶民不
侮鰥寡迨其末也繁刑以攜遠商道復衰

馮辛

二名先

太平御覽八十四引作廩辛先

元年庚寅王卽位居殷

四年陟

庚丁

名囂

元年甲午王卽位居殷

董本無王字

八年陟

武乙

名瞿

元年壬寅王卽位居殷 邠遷于岐周

三年自殷遷于河北 命周公亶父賜以岐邑

十五年自河北遷于沫

二十一年周公亶父薨

二十四年周師伐程戰于畢克之

三十年周師伐義渠乃獲其君以歸

三十四年周公季歷來朝王賜地三十里五十穀

馬十匹

太平御覽八十四引作周王季歷馬十匹十作八

三十五年周公季歷伐西落鬼戎俘二十翟王

二俘

十翟王五字本脫從後漢書西羌傳注引補

王畋于河渭大雷震死

文丁

後漢書西羌傳注太平御覽八十四引俱作太丁

名托

元年丁丑王卽位居殷

二年周公季歷伐燕京之戎敗績

後漢書西羌傳注引作周人伐燕京之戎

周師大敗

三年洹水一日三絕

太平御覽八十四引同

四年周公季歷伐余無之戎克之命爲牧師

後漢書西

羌傳注文選典引注引牧上有殷字

五年周作程邑

七年周公季歷伐始呼之戎克之

後漢書西羌傳注引作周人

十一年周公季歷伐翳徒之戎獲其三大夫來獻

捷王殺季歷

後漢書西羌傳注引作周人伐翳徒之戎克之捷其三大夫史通疑古篇雜說篇兩引皆作文

丁殺季歷

王嘉季歷之功錫之圭瓚秬鬯九命爲伯旣而

執諸塞庫季歷困而死因謂文丁殺季歷

十二年

周文王元年

有鳳集于岐山

十三年陟

帝乙

名羨

元年庚寅王卽位居殷

三年王命南仲西拒昆夷城朔方

吳本徐本拒作拘

夏六

月周地震

九年陟

帝辛

名受

太平御覽八十四引同

元年己亥王卽位居殷命九侯周侯邗侯

三年有雀生鷓

四年大蒐于黎 作炮烙之刑

五年築南單之臺 雨土于亳

開元占經一百一引紀年云帝辛受時周大禮

今本無此文

六年西伯初禴于畢

對陣于風

對晨入朝

九年王師伐有蘇獲妲己以歸 王作瓊室立玉門

文選東京賦注引汲冢古文同

十年夏六月王畋于西郊

對崇崇入朝

冬十

十七年西伯伐翟

冬王遊于淇

二十一年春正月諸侯朝周

伯夷叔齊自孤竹

歸于周

二十二年冬大蒐于渭

二十三年囚西伯于羑里

二十九年釋西伯諸侯逆西伯歸于程

三十年春三月西伯率諸侯入貢

三十一年西伯治兵于畢得呂尙以爲師

三十二年五星聚于房 有赤鳥集于周社

孫本鳥作

鳥 密人侵阮西伯帥師伐密

三十三年密人降于周師遂遷于程 王錫命西

伯得專征伐

三十四年周師取耆及邶遂伐崇崇人降 冬十

二月昆夷侵周

三十五年周大饑西伯自程遷于豐

三十六年春正月諸侯朝于周遂伐昆夷 西伯

使世子發營鎬

三十七年周作辟雍

三十九年大夫辛甲出奔周

孫本無大夫二字

四十年周作靈臺 王使膠鬲求玉于周

四十年春三月西伯昌薨

四十二年周武王元年西伯發受丹書于呂尙 有女

子化爲丈夫

四十三年春大閱 嶢山崩

四十四年西伯發伐黎

四十七年內史向摯出奔周

四十八年夷羊見 二日並出

五十一年冬十一月戊子周師渡盟津而還 王

囚箕子殺王子比干微子出奔

五十二年庚寅周始伐殷新唐書曆志竹書十一年庚寅周始伐商而管子及家語以爲

十二年蓋通成君之歲也太平御覽八十四引帝乙二年周人伐商疑卽此年傳寫之脫 秋周師次于

鮮原 冬十有二月周師有事于上帝庸蜀羌髳

微盧彭濮從周師伐殷

自成湯滅夏以至于受二十九王用歲四百九

十六年

史記殷本紀集解引同自成二字从文選六代論注引補殷本紀正義引竹書紀年云自盤庚徙殷至紂

之滅七百七十三年更不徙都紂時稍大其邑南距朝歌北據邯鄲及沙丘皆爲離宮別館今本無此文

光緒歲在閏逢涸灘國子監肄業生吳縣朱記榮
校刊

竹書紀年卷上

竹書紀年卷下

臨海 洪頤煊 校

周武王

名發

十二年辛卯王率西夷諸侯伐殷敗之于姆野

水經淇

清水注引同

王親禽受于南單之臺遂分天之明

水經淇

學記二十四引同淇水注受上有帝字

立受子祿父是為武庚

夏四月

王歸于豐饗于太廟命監殷遂狩於管

作大武

樂

十三年巢伯來賓

薦殷于太廟遂大封諸侯

秋大有年

十四年王有疾周文公禱于壇墠作金滕

十五年肅慎氏來賓

初狩方岳誥于沫邑

冬

遷九鼎于洛

十六年箕子來朝 秋王師滅蒲姑

十七年命王世子誦于東宮 冬十有二月王陟

年五十四

吳本徐本俱作九十四
路史發軍引作五十四

成王

名誦

元年丁酉春正月王卽位命冢宰周文公總百官

庚午周公誥諸侯于皇門 夏六月葬武王于

畢 秋王加元服 武庚以殷叛 周文公出居

于東

二年奄人徐人及淮夷入于邳以叛 秋大雷電

以風王逆周文公于郊遂伐殷

三年王師滅殷殺武庚祿父遷殷民于衛遂伐奄

滅蒲姑

四年春正月初朝于廟

夏四月初嘗麥

王師

伐淮夷遂入奄

五年春正月王在奄遷其君于蒲姑

夏五月王

至自奄

遷殷民于洛邑遂營成周

六年大蒐于岐陽

七年周公復政于王

春二月王如豐

三月召

康公如洛度邑

甲子周文公誥多士于成周遂

城東都

王如東都諸侯來朝

冬王歸自東都

立高圉廟

八年春正月王初蒞阼親政

命魯侯禽父齊侯

伋遷庶殷于魯

作象舞

冬十月王師滅唐遷

其民于杜

九年春正月有事于太廟初用勺 肅慎氏來朝

王使榮伯錫肅慎氏命

十年王命唐叔虞爲侯 越裳氏來朝 周文公

出居于豐

十一年春正月王如豐 唐叔獻嘉禾王命唐叔

歸禾于周文公 王命周平公治東都

十二年王師燕師城韓王錫韓侯命

十三年王師會齊侯魯侯伐戎 夏六月魯大禘

于周公廟

十四年秦師圍曲城克之 孫本作齊師 冬洛邑告成

十八年春正月王如洛邑定鼎 鳳凰見遂有事

于河

十九年王巡狩侯甸方岳召康公從歸于宗周遂

正百官黜豐侯

二十一年除治象 周文公薨于豐

二十二年葬周文公于畢

二十四年於越來賓

孫本於作于

二十五年王大會諸侯于東都四夷來賓 冬十

月歸自東都有事于太廟

范本吳本徐本有作大

三十年離戎來賓

三十三年王遊于卷阿召康公從歸于宗周 命

王世子釗如房逆女房伯祈歸于宗周

三十四年雨金于咸陽

三十七年夏四月乙丑王陟

康王

名釗

元年甲戌春正月王卽位命冢宰召康公總百官諸侯朝于豐宮

三年定樂歌吉禘于先王申戒農官于太廟

六年齊太公薨

困學紀聞八引作齊太公望卒晉太公碑引紀年曰康王六年齊太公卒

九年唐遷于晉作宮而美王使人讓之

北堂書鈔十八引作晉侯

築宮而美康王使讓之

十二年夏六月壬申王如豐錫畢公命 秋毛懿

公薨

十六年錫齊侯伋命 王南巡狩至九江廬山

十九年魯侯禽父薨

二十一年魯築茅闕門

二十四年召康公薨

二十六年秋九月己未王陟

成康之際天下安寧刑措四十餘年不用

此條本脫

从文選漢武帝賢良詔注太平御覽八十五引補文選注無餘字

昭王

名瑕

元年庚子春正月王卽位復設象魏

六年王錫郇伯命冬十二月桃李華

十四年夏四月恒星不見秋七月魯人弑其君

宰

十六年伐楚涉漢遇大兕

初學記七引楚下有荆字

十九年春有星孛于紫微

太平御覽八百七十四引紀年曰周昭王末年夜清五色光貫

紫微其年王南巡不返

祭公辛伯從王伐楚天大曠

太平御覽九百七引

無大字

雉兔皆震喪六師于漢

初學記七開元占經一百一引同

王陟

穆王

名滿

元年己未春正月王卽位作昭宮命辛伯餘靡

冬十月築祗宮于南鄭

穆天子傳四注引同

自武王至穆王享國百年穆王以下都于西鄭

晉書東晉傳云紀年記自周受命至穆王百年非穆王壽百歲也又漢書地理志臣瓚注云周自穆王以下都于西鄭瓚同校汲冢古文正據此條爲說後人以此爲沈約注誤也

六年春徐子誕來朝錫命爲伯

八年春北唐來賓獻一驪馬是生騷耳

穆天子傳一注引作北唐

之君來見

九年築春宮

初學記二十四引紀年穆王所居有鄭宮春宮

十一年王命卿士祭公謀父

十二年毛公班井公利逢公固帥師從王伐犬戎

井本作共今從穆天子傳改正

冬十月王北巡狩遂征犬戎

十三年春祭公帥師從王西征次于陽紆 秋七

月西戎來賓 徐戎侵洛 冬十月造父御王入

于宗周

十四年王帥楚子伐徐戎克之 夏四月王畋于

軍丘

孫本丘作山

五月作范宮

秋九月翟人侵畢

冬蒐于萍澤

作虎牢

十五年春正月留昆氏來賓

穆天子傳五注云留昆國見紀年

作

重璧臺

冬王觀于鹽澤

一作王幸安邑觀鹽池非是

十六年霍侯舊薨 王命造父封于趙

十七年王西征至昆侖丘見西王母

穆天子傳三注藝文類聚七太

平御覽三十八引同至字從藝文類聚太平御覽引補爾雅釋文西王母下云周穆王巡狩至昆侖山見之西王母亦來賓昭宮見

出竹書及穆天子傳

其年西王母來朝賓于昭宮

山海經西山經注穆天子傳三

注引朝作見西山經注又作五十七年

秋八月遷戎于太原

王北征行流沙千里積羽千里

山海經大荒北經注文選江賦注引作竹

書穆天子傳三注引紀年曰穆王北征行積羽千里

征犬戎取其五王以東

穆天子傳

一注引作紀年疑十二年脫文

西征至于青鳥所解

山海經西山經注引同藝文類聚九

十一引紀年云穆王十三年西征至于青鳥之所憩疑上次于陽紆下脫文

西王母止之曰

有鳥鵠人

此條本脫穆天子傳三注引紀年穆王見西王母西王母止之曰有鳥鵠人藝文類聚七引紀

年云穆王十七年西征至昆侖丘見西王母王母止之疑上十七年見西王母脫文因無明證今附于此

西征還

里天下億有九萬里

穆天子傳四注引同開元占經四引紀年曰穆王東征天下二億二

千五百里西征億有九萬里南征億有七百三里北征二億七里

十八年春正月王居祗宮諸侯來朝

二十一年祭文公薨

二十四年王命左史戎夫作記

三十五年

孫本作二十五年

荆人入徐毛伯遷帥師敗荆人

于涉

三十七年

廣韻二十二元注引作十七年太平御覽三百五引作四十七年藝文類聚九初學記七文選江賦注引

同今本

伐楚

二字本脫從藝文類聚引補文選恨賦注太平御覽引作伐紂傳寫之譌

大起九師東

至于九江叱鼃鼉以爲梁

此本作架從初學記藝文類聚太平御覽引改北堂書鈔十六

御覽七十三又引作架與今本同

遂伐越至于紆

紆見路史國名紀六注

荆人來

貢

三十九年王會諸侯于塗山

四十五年魯侯濆薨

五十一年作呂刑命甫侯于豐

五十五年王陟于祗宮

共王

名繫

元年甲寅春正月王卽位

四年王師滅密

九年春正月丁亥王使內史良錫毛伯遷命

十二年陟

懿王

名堅

元年丙寅春正月王卽位天再旦于鄭

事類賦注一引同太平御

覽二引鄭作正開元占經三引作天再啓無下二字

七年西戎侵鎬

十三年翟人侵岐

十五年王自宗周遷于槐里

十七年魯厲公擢薨

二十一年虢公帥師北伐犬戎敗逋

二十五年王陟

懿王之世興居無節號令不時挈壺氏不能共

其職諸侯於是攜德

孝王

名辟方

元年辛卯春正月王卽位命申侯伐西戎

五年西戎來獻馬

七年冬大雨電江漢水

牛馬死是年厲王生○孫本電作電注中八字皆作正文

八年初牧于汧渭

孫本牧下有馬字

九年王陟

夷王

名燮

元年庚子春正月王卽位

二年蜀人呂人來獻瓊玉賓于河用介珪

北堂書鈔三十一太

平御覽八十五引同

竹書紀年卷下

七中華書局聚

三年王致諸侯烹齊哀公于鼎

太平御覽八十五引同
史記正義引作翦齊哀

昇公

六年王獵于社林獲犀牛一以歸

太平御覽八百九十一
引作獵于桂林得一

牛犀

七年虢公帥師伐太原之戎至于俞泉獲馬千匹

後漢書西羌傳同
注云見竹書紀年

冬雨雪大如礪初學記
二引同

楚子熊

渠伐庸至于鄂

孫本無
此條

八年王有疾諸侯祈于山川 王陟

厲王

名胡

元年戊申春正月王卽位作夷宮命卿士榮夷公

落

楚人來獻龜貝

三年淮夷侵洛王命虢公長父伐之不克 齊獻

公山薨

孫本無山字

六年楚子延卒

八年初監謗芮伯良夫戒百官于朝

十一年西戎入于犬丘

十二年王亡奔彘國人圍王宮執召穆公之子殺

之

十三年王在彘共伯和攝行天子事

史記周本紀索隱引作共伯和

于王位莊子讓王篇釋文引同

十四年玁狁侵宗周西鄙 召穆公帥師追荆蠻

至于洛

十六年蔡武侯薨 楚子勇卒

十九年曹夷伯薨

二十二年大旱 陳幽公薨

二十三年大旱 宋僖公薨

二十四年大旱 杞武公薨

二十五年大旱 楚子嚴卒

二十六年大旱王陟于彘周定公召穆公立太子

靖爲王共伯和歸其國遂大雨

大旱既久廬舍俱焚會汾王崩卜于太陽兆曰

厲王爲祟周公召公乃立太子靖共和遂歸國

和有至德尊之不喜廢之不怒逍遙得志于共

山之首水經清水注云共縣故城卽共和之故國也共伯既歸帝政逍遙于共山之上疑此紀年之文

宣王

名靖

元年甲戌春正月王卽位周定公召穆公輔政

復田賦 作戎車 燕惠侯薨

二年錫太師皇父司馬休父命 魯慎公薨 曹

公子蘇弒其君幽伯疆

三年王命大夫仲伐西戎

後漢書西羌傳云宣王立四年使秦仲伐戎爲戎所殺注連下

數條云並見竹書紀年此作三年疑誤

齊武公壽薨

孫本無壽字

四年王命蹶父如韓韓侯來朝

五年夏六月尹吉甫帥師伐玁狁至于太原 秋

八月方叔帥師伐荆蠻

六年召穆公帥師伐淮夷

王帥師伐徐戎皇父

休父從王伐徐戎次于淮

王歸自伐徐錫召穆

公命 西戎殺秦仲

據後漢書西羌傳此句當在上三年下廣宏明集十一引竹書云自秦仲

之前本無年世之紀又云史記竹書皆云秦無曆數周世陪臣

楚子霜卒

七年王錫申伯命

王命樊侯仲山甫城齊

八年初考室

魯武公來朝錫魯世子戲命

九年王會諸侯于東都遂守于甫

孫本守作狩

十二年魯武公薨 齊人弑其君厲公無忌立公

子赤

十五年衛釐侯薨 王錫號文公命

十六年晉遷于絳

十八年蔡夷侯薨

二十一年魯公子伯御弑其君懿公戲

二十二年王錫王子多父命居洛

二十四年齊文公赤薨

孫本作齊侯赤薨

二十五年大旱王禱于郊廟遂雨

二十七年宋惠公覲薨

孫本無覲字

二十八年楚子狗卒

二十九年不藉千畝

三十年有兔舞于鎬京

初學記二十九太平御覽九百七引作有兔舞鎬

三十二年王師伐魯殺伯御命孝公稱于夷宮

陳僖公孝薨 有馬化爲人

三十三年齊成公薨 王師伐太原之戎不克

後漢

書西羌傳王遣兵伐太原戎不克在使秦仲伐戎後二十七年事當在上三十年

三十七年有馬化爲狐

開元占經一百十八引作三十三
年搜神記云周宣王三十二年幽

王生有馬化爲狐今本疑誤

燕僖侯卒

孫本卒作薨

楚子鄂卒

三十八年王師及晉穆侯伐條戎奔戎王師敗逋

後漢書西羌傳作王師敗績

三十九年王師伐姜戎戰于千畝王師敗逋

四十年料民于太原 戎人滅姜邑 晉人敗北

戎于汾隰

後漢書西羌傳云晉人敗北戎于汾隰戎人滅姜侯之邑范史所引本竹書紀年之文今本二句倒疑誤

四十一年王師敗于申

後漢書西羌傳云明年王征西戎破之

四十二年王殺大夫杜伯其子隰叔出奔晉 晉

穆侯費生薨弟殤叔自立世子仇出奔

四十四年

晉殤叔元年丁巳○據杜預春秋後序云紀年篇晉國起自殤叔汲冢古文東周以後以晉魏紀年本起

自此年也今本改用周正晉魏改元皆附注于本年之下以存舊觀今並仍之

四十六年王陟

幽王

名涅

元年庚申春正月王即位 晉世子仇歸于晉殺

殤叔晉人立仇是為文侯 王錫太師尹氏皇父

命

二年

辛酉晉文侯元年○水經渭水注作晉文侯二年案隋唐以下諸書引紀年東周以後皆以晉魏紀年今先標其所

引年次下再各依其本條釋之

涇渭洛竭

岐山崩

初增賦

晉

文侯同王子多父伐郟克之

渭水注引無晉文侯三字一本同下有惠字郟本作

鄭從洧乃居鄭父之丘名之曰鄭是爲桓公名之曰鄭四字

本脫又桓上有鄭字從洧水注引改史通雜說篇引竹書紀年云鄭桓公厲王之子與經典所載乖刺今本無此文

三年王嬖褒姒 冬大震電孫本震作雷

四年秦人伐西戎 夏六月隕霜 陳夷公薨

五年王世子宜臼出奔申左傳昭二十六年正義引作平王奔西申 皇父

作都于向

六年王命伯士帥師伐六濟之戎王師敗逋後漢書西

羌傳在征申戎後十年又云伯士死焉注云並見竹書紀年皆與今本異 西戎滅蓋 冬十

月辛卯朔日有食之

七年虢人滅焦

八年王錫司徒鄭伯多父命 王立褒姒之子曰

伯服爲太子太平御覽一百四十一引同左傳昭二十六年正義引紀年作伯盤盤古作般與服字相似今

本作伯服非孔穎達所見本

九年申侯聘西戎及鄫

十年春王及諸侯盟于太室 秋九月桃杏實

王師伐申

十一年春正月日暈 申人鄫人及犬戎入宗周

弑王及鄭桓公犬戎殺王子伯服執褒姒以歸申

侯魯侯許男鄭子立宜臼于申虢公翰立王子余

臣于攜

左傳昭二十六年正義引汲冢書紀年云平王奔西申而立伯盤以爲太子與幽王俱死于戲先是申侯魯侯

及許文公立平王于申以本太子故稱天王幽王既死而虢公翰又立王子余臣于攜周二王並立二十一年攜王爲晉文侯所殺以本非適故稱攜王東晉云按左傳攜王奸命誓訪攜王爲伯服伯服古文作伯盤非攜王積年諸侯始廢之而立平王其事或當然綜按前後文義汲冢古文攜王本作伯盤故杜預東晉俱據以爲說至孔穎達所見本已同今本作王子余臣矣又據孔所引平王之立當在幽王未死之前與今本又異皆可爲今本紀年經後人改竄之明證

武王滅殷歲在庚寅二十四年歲在甲寅定鼎

洛邑至幽王二百五十七年共二百八十一年

自武王元年己卯

徐本作辛卯

至幽王庚午二百九

十二年

史記周本紀集解引紀年云自武王滅殷以至幽王凡二百五十七年通鑑外紀三引紀年云西周二百

五十七年與今本同

平王

名宜白

自東遷以後始紀晉事王卽位皆不書

元年辛未王東徙洛邑錫文侯命晉侯會衛侯鄭

伯秦伯以師從王入于成周

孫本秦伯作秦師

二年秦作西時

魯孝公薨

賜秦晉以邠岐之

田

三年齊人滅祝

王錫司徒鄭伯命

四年燕傾侯卒

鄭人滅虢

五年秦襄公帥師伐戎卒于師

宋戴公薨

六年燕哀侯卒

鄭遷于溱洧

七年楚子儀卒

八年鄭殺其大夫關其思

史通惑經篇云汲冢所紀多與魯史符同獲君曰止誅臣曰刺

殺其大夫曰殺今本無曰止曰刺之文

十年秦遷于汧渭

十三年魏武公薨

十四年晉人滅韓

十八年秦文公大敗戎師于岐來歸岐東之田

本

無來字

二十一年晉文侯殺王子余臣于攜

二十三年宋武公卒

二十四年秦作陳寶祠

二十五年晉文侯薨 秦初用族刑

二十六年 晉封其弟成師于曲沃

丙申晉昭侯元年

三十二年晉潘父弑其君昭侯納成師不克立昭侯之子孝侯晉人殺潘父

三十三年

癸卯晉孝侯元年

楚人侵申

三十六年衛莊公卒

王人戍申

四十年齊莊公卒

晉曲沃桓叔成師卒子鱣立

是爲莊伯

四十一年

辛亥莊伯元年

春大雨雪

四十二年狄人伐翼至于晉郊

宋宣公薨

吳本孫本

宣作襄

魯惠公使宰讓請郊廟之禮王使史角如

魯諭止之

四十七年晉曲沃莊伯入翼弑孝侯晉人逐之立

孝侯子卻是爲鄂侯

四十八年

戊午晉鄂侯卻元年

無雲而雷

魯惠公卒

四十九年

己未魯隱公元年。杜預春秋後序引紀年云。魯莊伯之十一年十一月魯隱公之元年正月也。

魯

隱公及邾莊公盟于姑蔑

春秋後序引同

五十一年春二月乙巳日有食之三月庚戌王

陟

桓王

元年壬戌

水經澮水注引作莊伯十二年

十月莊伯以曲沃叛伐翼

公子萬救翼荀叔軫追之至于家谷

澮水注引同

翼侯

焚曲沃之禾而還

澮水注引同

翼侯伐曲沃大捷武公

請成于翼至相而還

相一作桐。水經澮水注引不記年。成作城。至相而還。作至洞庭。乃返。今

凡不記年者俱不先標所引年。次惟各注于本條下。

王入女申

二年王使虢公伐晉之曲沃。晉鄂侯卒。曲沃莊伯

復攻晉。立鄂侯子光是爲哀侯。

下本有公子萬救翼荀叔軫追之至于家谷十

四字疑上文重出。從孫本餘本刪。

三年甲子

晉哀侯光元年。杜預春秋後序引紀年篇晉國起自殤叔次文侯昭侯以至曲沃莊伯是不哀侯小子

侯紀年也此非汲冢原文

四年曲沃莊伯卒子稱立是爲武公尙一軍

水經河水

注引在卞年芮人乘京上

五年

曲沃武公元年。水經河水注引作晉武公元年

芮人乘京

河水注引同

荀人

董伯皆叛曲沃

河水注引無曲沃二字

十一年

晉小子侯元年。水經河水注引作晉武公七年

曲沃獲晉哀侯晉人

立哀侯子爲小子侯

芮伯萬之母芮姜逐萬萬

出奔魏

今本作芮伯萬出奔魏無上二句从河水注引補

十二年

水經河水注引作晉武公八年秋秦侵芮

四字本脫从路史國名紀五注引補

冬王

師秦師圍魏取芮伯萬而東之

冬字从路史注引補河水注引作周師號師圖

魏路史注一引作桓王十二年是羅泌已見今本也

十三年

水經河水注引作晉武公九年

冬曲沃伯誘晉小子侯殺之

晉曲沃滅荀以其地賜大夫原氏黯是爲荀叔

漢書地理志臣贊注文選北征賦注引荀作郇黯作黠曲沃作武公

戎人逆芮伯萬于郊

河水注引作逆芮伯萬於郊斯城

十四年王命虢仲伐曲沃立晉哀侯弟緡于翼爲

晉侯

十五年晉侯緡元年

十六年春滅翼

十七年楚及巴伐鄧此年全脫从路史國名紀五引補作桓王十七年孫本亦有

十八年鄭莊公卒

二十三年三月乙未王陟

莊王名佗

元年乙酉曲沃尙一軍異于晉

四年齊襄公滅紀邢鄆郟此年全脫从史記秦始皇本紀正義引補據左傳事在此年今

本紀年已爲後人亂凡無年次可考者今略依左傳史記年次繫之下做此

六年五月葬桓王

王本作公从吳本改

十五年王陟

釐王

名胡齊

元年庚子春齊桓公會諸侯于北杏以平宋亂

三年曲沃武公滅晉侯緡以寶獻王王命武公以

一軍爲晉侯

四年

晉武公二十八年

晉猶不與齊桓公之盟

五年晉武公卒子詭諸立爲獻公

王陟

吳本無此年

齊人殲于遂

此條本脫唐書劉昫傳云昫嘗以竹書紀年序諸侯列會皆舉說後人追脩非當時正史如齊

人殲于遂鄭棄其師皆孔子新意知按春秋經傳而爲也據左傳事在此年

惠王

名開

元年

乙巳晉獻公元年

晉獻公朝

王如成周周陽白兔舞

于市

水經涑水注引作晉獻公二十五年正月翟人伐晉周有白兔舞于市見下文

二年

開元占經一百二十引作晉獻公二年

王子頹亂王居于鄭鄭人入

王府多取玉玉化為蜮射人

開元占經一百二十引皆同

九年晉城絳

絳本作降從吳本范本改

十六年晉獻公作二軍滅耿以賜大夫趙夙滅魏

以賜大夫畢萬

鄭棄其師

此條本脫從唐書劉昫傳引補據左傳在此年

十七年衛懿公及赤狄戰于洞澤

杜預春秋後序引同云疑洞當為洞即左

傳所謂懿澤也吳本孫本無戰字

十九年

水經河水注引作晉獻公十九年

晉獻公會虞師伐虢滅下

陽

河水注杜預春秋後序引同

虢公醜奔衛獻公命瑕父呂甥邑

于虢都

河水注引同獻字本脫號都作國都從河水注引改

二十五年

水經涑水注引作晉獻公二十五年

春正月狄人伐晉

涑水注引下有

周有白兔舞于市見上

王陟

襄王

元年

庚午

晉獻公卒立奚齊里克殺之及卓子立夷

吾

二年

辛未晉惠公元年

晉殺里克

三年雨金于晉秦取靈丘

此條本脫古文苑注一董道廣川書跋引此作秦穆

公十一年今據補

七年秦伯涉河伐晉

史通疑古篇云汲冢竹書與晉春秋及紀年之記事也如重耳出奔惠公

見獲書其本國皆無所隱今本無此文

八年隕石于宋五

此條本脫史通惑經篇云觀汲冢所記多與魯史符同執我行人鄭棄其師隕石于

宋五諸如此句多是古史今補執我行人不知是何年之文附見于此

十五年

水經河水注涑水注引作晉惠公十五年

晉惠公卒子懷公圉立秦

穆公帥師送公子重耳圍令狐桑泉白衰皆降爲

涑水注引作焉官本改作於

秦師狐毛

吳本作尾

與先軫禦秦至于廬柳

諫水注引自秦穆公以下皆同 乃謂秦穆公使公子繫來與師言次

于郇盟于軍公子重耳涉自河曲河水注引秦穆公帥師公子重耳涉自河

曲

十六年乙酉晉文公元年 晉殺子圍

十七年晉城荀漢書地理志臣瓚注引汲郡古文云文公城荀

二十年周襄王會諸侯于河陽杜預春秋後序引同

二十二年齊師逐鄭太子齒奔城張南鄭水經諫水注引張下

有陽字

二十四年晉文公卒

二十五年甲午晉襄公驩元年

三十年水經洛水注引作晉襄公六年 洛絕于洵洛水注引同

三十一年晉襄公卒

三十二年辛丑晉靈公夷皋元年

三十三年王陟

頃王

元年癸卯

六年彗星入北斗 王陟

匡王

元年己酉

六年王陟 晉靈公爲趙穿所殺趙盾使穿逆公

子黑臀于周立之

定王

元年乙卯 晉成公元年

六年晉成公與狄伐秦獲秦諜殺之絳市六日復

蘇

七年晉成公卒于扈

八年

壬戌晉景公元年

十八年齊國佐來獻玉磬紀公之甌

杜預春秋後序引同

二十一年王陟

簡王

元年丙子

五年晉景公卒

六年

辛巳晉厲公元年

十三年晉厲公卒

楚共王會宋平公于湖陽

水經

泚水注引同

十四年

己丑晉悼公元年

王陟

靈王

元年庚寅

十四年晉悼公卒

十五年

甲辰晉平公元年

二十七年王陟

景王

元年丁巳

十三年春有星出婺女 十月晉平公卒

十四年

庚午晉昭公元年。水經河水注引同。

河水赤于龍門三里

注河水

洞

十九年晉昭公卒 冬十二月桃杏花

二十年

晉頃公元年

二十五年晉頃公平王室亂立敬王

敬王

元年壬午

八年晉頃公卒

九年

庚寅晉定公元年

十四年漢不見于天

二十六年

太平御覽十四引晉定公十八年

晉青虹見

太平御覽引無晉字

二十八年

水經洛水注引作晉定公二十年

洛絕于周

洛水注引同

三十三年

開元占經一百十三引作晉定公二十五年

西山女子化爲丈夫

與之妻能生子其年鄭一女生四十人二十死

此年

全脫從開元占經引補

三十六年

水經淇水注引作晉定公二十八年今本三作二孫本與上洛絕于周并條皆誤

淇絕于

舊衛

淇水注引同

三十九年

水經淇水注引作晉定公三十一年

晉城頓丘

淇水注引無晉字

四十三年宋殺其大夫皇瑗于丹水之上

水經坂水注引瑗作

緩丹水壅不流

坂水注引丹上有宋大水三字與上文異條疑下出公五年重文

四十四年王陟

元王

元年丙寅晉定公卒

二年晉出公元年

四年於越滅吳

六年水經澮水注澮水注引作晉出公五年

日絕不流澮水注引同

七年水經濟水注引作晉出公六年

城宅陽此句本脫从濟水注引補史記穰侯列傳正義引竹書云宅陽一名北陽疑此闕文

貞定王

元年癸酉於越徙都瑯琊

四年史記越世家索隱引作晉出公十年

十一月於越子勾踐卒是為

六年水經河水注引作晉出公十二年官本作十二年

七年

水經汾水注引作晉出公三十年官本作十二年

晉荀瑤城南梁

汾水注引作智伯瑤

城高梁

十年於越子鹿郢卒不壽立

史記越世家索隱引云鹿郢立六年卒

十一年晉□□出奔齊

十二年河水赤三日

晉荀瑤伐中山取窮魚之

丘

水經聖水注初學記入太平御覽六十
四引同晉字从初學記太平御覽引補

十三年

水經洛水注引作晉出公十九年

晉韓龐取秦武城

洛水注引秦武作盧氏

十六年

晉出公二十二年

趙襄子韓康子魏桓子共殺智伯

并其地

此條本脫史記晉世家哀公四年趙襄子云云索隱云如紀年之說此乃出公二十二年事今據補又燕世家

索隱云按紀年智伯滅在成公二年今本無此文

十七年晉出公薨乃立昭公之孫是為敬公

史記晉世

家索隱引紀年云出公二十三年奔楚乃立昭公之孫是為敬公與今本異

衛悼公卒于越此條

本脫史記衛世家出公季父黔攻出公子而自立是為悼公悼公五年卒索隱紀年云四年卒于越據史記年表當在此年今補

十八年己丑晉敬公元年

○孫本無此年

二十年於越子不壽見殺是爲盲姑次朱勾立史記

越世家索隱引紀年云不壽立十年見殺是爲盲姑次朱勾立

二十二年楚滅蔡

二十四年楚滅杞 田莊子卒此條本脫史記田完世家索隱引紀年齊宣公

十五年田莊子卒今據補齊宣公之立當在貞定王十年

二十五年田悼子立此年全脫史記田完世家索隱引紀年云田莊子卒明年田悼子立今據

補索隱云悼子卒乃次立田和是莊子後有悼子蓋立年無幾所以作世本及記史者不得錄也而莊周及鬼谷子亦云田成子殺

齊君十二代而有齊國今據世本世家至王建之滅唯祇十代若如紀年則悼子及侯剡卽有十二代乃與莊子鬼谷說同明紀年

亦非妄今本威烈王十七年田悼子卒田侯剡立在安王十九年中尚脫田和一代也

二十八年晉敬公王陟

考王

元年敬公十魏文侯立史記晉世家索隱按紀年魏文侯初立在敬公十八年今在十三年誤

十年楚滅莒

十一年晉敬公卒

十二年晉幽公柳元年魯悼公卒

十四年水經濟水注引作晉幽公三年魯季孫會晉幽公于楚丘取

葭密遂城之取葭密以下本脫從濟水注引補

十五年王陟

威烈王

元年丙辰

三年北堂書鈔一百四十六引作晉幽公七年晉大旱地生鹽北堂書鈔引地下有長字

五年水經沁水注引作晉幽公九年晉丹水出反潔沁水注引作丹水出相反擊

六年晉大夫秦嬴賊幽公于高寢之上史記晉世家索隱引大夫

作夫魏文侯立幽公子止

七年壬戌晉烈公元年○水經沁水注引同趙獻子城泫氏沁水注引同韓武

子都平陽汾水注引同

八年水經河水注引作晉烈公四年官本作二年趙城平邑河水注引同

九年水經丹水注引作晉烈公三年楚人伐我南鄙至于上洛丹水注引同

十年燕文公卒次簡公立此年全脫史記燕世家索隱引紀年文公二十四年卒簡公立

十三年而三晉命邑為諸侯簡公之立當在此年今據補文公之立當在考王二十一年

十一年水經河水注引作晉烈公五年田公子居思伐邯鄲圖平邑

河水注引伐邯鄲作伐趙圖作圍於越滅滕史記越世家索隱引紀年於越子朱勾三十四年滅滕路

史國名紀一引紀年越王朱勾三十年滅滕

十二年水經沂水注引作晉烈公四年於越子朱勾滅郟以郟子鵠

歸沂水注引同越世家索隱引作朱勾三十五年滅郟滅本作伐从沂水注引改

十四年於越子朱勾卒越世家索隱引云三十七年朱勾卒

十六年水經河水注引作晉烈公十年齊田盼及邯鄲韓舉戰于平

邑河水注引邯鄲之師敗逋河水注引師作帥敗下無逋字遂獲韓舉

取平邑新城

取字本脫从河水注引補

十七年

水經汲水注引作晉烈公十一年

魏文侯伐秦至鄭還築汾

陰郃陽

田悼子卒田布殺其大夫公孫孫

汲水注引

無下孫字

公孫會以廩丘叛于趙

會本作孫从史記田完世家索隱引改汲水注引無會字

田布圍廩丘翟角趙孔屑韓師救廩丘

師本作氏从汲水注引改

及田布戰于龍澤田師敗逋

汲水注引師作布

十二月齊

宣公薨

此條本脫史記田完世家索隱引紀年宣公五十一年公孫會以廩丘叛十二月宣公薨于周正爲明年二月

今據補

十八年

水經汾水注引作晉烈公十二年

王命韓景子

史記韓世家索隱引紀年景子名虔

趙烈子及我師伐齊入長垣

汲水注引烈子作烈侯垣作城

二十年秦簡公卒次敬公立

此條本脫史記秦本紀索隱引紀年云簡公九年卒

次敬公立十二年卒乃立惠公又始皇本紀索隱王劭按紀年云簡公後次敬公敬公立十二年乃立惠公史記年表簡公九年當

威烈王二十一年今據補

二十三年王命晉卿魏氏趙氏韓氏爲諸侯

史記燕世

家索隱引紀年簡公立十三年而三晉命邑爲諸侯

二十四年王陟

安王

元年庚辰

二年田侯午生

此年全脫史記田完世家索隱引紀年齊康公五年田侯午生今據史記年表補齊康公

之立當威烈王二十五年

六年宋悼公卒

此年全脫史記宋世家悼公八年卒索隱云紀年爲十八年今補悼公之立當威烈王十

三年

八年秦敬公卒乃立惠公

此年全脫从史記秦本紀索隱引補已見前史記年表簡公十

五年卒子惠公立與紀年不同

九年晉烈公卒子桓公立

史記晉世家索隱世本孝公傾紀年以孝公爲桓公

十年己丑

晉桓公頃元年

十五年魏文侯卒

史記魏世家文侯三十八年卒索隱引紀年云五十年卒

大風

晝昏 晉太子喜出奔

十六年

乙未魏武侯擊元年○史記魏世家索隱引同

封公子緩

魏世家索隱引同又引紀年魏武侯

之元年當趙烈侯之十四年

十九年出侯剡立

此年全脫史記田完世家索隱引紀年齊康公二十二年田侯剡立今補

二十一年韓滅鄭哀侯入于鄭

史記韓世家索隱引紀年魏武侯二十一年韓

滅鄭哀侯入于鄭二十二年晉桓公邑哀侯于鄭今本繫此于安王二十一年誤

二十三年於越遷于吳

史記越世家索隱引紀年翳三十三年遷于吳

二十六年

史記魏世家索隱引作魏武侯十四年官本作十一年

王陟

魏城洛

陽及安邑王垣

魏世家索隱引同

七月於越太子諸咎弒

其君翳十月越人殺諸咎越滑吳人立孚錯枝爲

君

史記越世家索隱引同

烈王

元年丙午魏公子緩如邯鄲以作難

史記魏世家索隱引在惠成王

七年今本繫此當魏武侯十二年誤

於越大夫寺區定越亂立初無

余是為莽安

史記越世家索隱引余下有之字無是為莽安四字

二年秦蘇胡帥師伐韓韓將韓襄敗蘇胡于酸水

蘇胡本作胡蘇从水經濟水注引改又引敗下有秦字

魏觴諸侯于范臺 晉

桓公邑哀侯于鄭韓山堅賊其君哀侯而立韓若

山史記韓世家索隱引紀年云晉桓公邑哀侯于鄭韓山堅賊其君哀侯而立韓若山若山即懿侯也在魏武侯二十二年今本

魏武侯止十六年又晉世家索隱按紀年魏武侯以桓公十九年卒韓哀侯趙敬侯並以桓公十五年卒以今本校之魏武侯之卒

當在此年韓哀侯之卒當在安王二十四年但此年魏武侯止十三年今本非惟裁減魏武侯紀年譌舛即晉桓公紀年亦謬也而

立韓若山五字本脫从索隱引補

齊田午弑其君及孺子喜而為

公

此條本脫史記田完世家索隱引紀年齊康公二十二年田侯剡立後十年齊田午弑其君及孺子喜而為公今補田午即桓

也

三年宋桓侯璧兵立

此年全脫史記宋世家休公二十三年卒子辟公辟兵立索隱云紀年作

桓侯璧
兵今補

五年魏武侯卒

此年全脫據史記魏世家武侯十六年卒索隱引紀年武侯二十六年卒史記與紀年年

數本不同今本改從周正紀年故前後所引多抵牾今姑依史記年表附于此

燕簡公卒次孝

公立

史記燕世家索隱引紀年簡公四十五年卒又引紀年簡公後次孝公今據補

六年

辛亥梁惠成王元年水經濁漳水注引同

晝晦

二字本脫從開元占經一百一引補

韓共

侯趙成侯遷晉桓公于屯留

濁漳水注引同史記晉世家索隱引紀年云桓公二十年趙成侯韓共侯遷桓公于屯留已後更無晉事

今本距晉桓公之立已二十三年共侯疑當作懿侯

趙成侯

偃韓懿侯若伐我葵

史記魏世家索隱引紀年趙侯種韓懿侯伐我取蔡在上魏武侯元年封

公子緩下水經水注引作梁惠成王元年案武侯元年韓懿侯尚未立當以水經所引為正若下疑脫山字路史國名紀七引葵

鄴師敗邯鄴于平陽

此條本脫從濁漳水注引補

宋剔成

肝廢其君璧而自立

此條本脫從史記宋世家索隱引補璧下疑脫兵字

七年

史記魏世家集解水經河水注引作梁惠成王二年

王陟

我師伐趙圍蜀

陽

魏世家索隱引蜀作濁 齊田壽帥師伐我圍觀觀降

河水注引我作

趙 魏大夫王錯出奔韓魏世家集解引同

顯王

元年癸丑

水經濟濟水注渭水注引作梁惠成王二年鄭城邢丘

自此韓改稱曰鄭○濟水注引

同

秦子向命為藍君

渭水注引同

二年

水經濟濟水注引作梁惠成王四年

河水赤于龍門三日

河水注引同

三年

水經濟濟水注引作梁惠成王五年

公子景賈帥師伐鄭韓明戰

于韓我師敗逋

濟水注引作戰于陽

四年

水經濟濟水注引作梁惠成王六年

夏四月甲寅徙邦于大梁

渠水注引

邦作都漢書高帝紀臣瓚注引汲郡古文惠王之六年自安邑遷于大梁史記魏世家集解云汲冢紀年曰梁惠王九年四月甲寅

徙都大梁索隱云紀年以為惠王九年蓋誤也

王發逢忌之數以賜民

漢書地理志臣

瓚注引汲郡古文同左傳哀十四年正義引瓚注發作廢古字通用

於越寺區弟思弒其

君莽安次無顓立

史記越世家索隱引在無余之立十二年此條當次在明年

齊弒

其君母

此條本脫史記田完世家索隱引紀年云齊桓公十一年弒其君母又引紀年梁惠王十三年當齊桓公十八

竹書紀年卷下

中華書局聚

補年今

五年

太平御覽八百八十廣韻二十
二昔注引作梁惠成王七年

雨碧于郢

太平御覽八百四十二廣

韻注

引同地忽長十丈有餘高尺半

太平御覽八百八十八引同

六年

水經濁漳水注引
作梁惠成王八年

我師伐邯鄲取列人我師伐

邯鄲取肥

濁漳水注引
無兩我師字

雨黍于齊

太平御覽八百四十
二引惠成王八年雨

黍

雨骨于赤髀

此條本脫从
路史引補

七年

水經洞渦水注濟水注
引作梁惠成王九年

我與邯鄲榆次陽邑

洞渦水
注引無

我

字王會鄭釐侯于巫沙

濟水注
引同

晉取兹氏

此條
本脫

从太平御覽一百六十三太平寰
宇記四十四路史國名紀七引補

八年

水經潞水注青衣水注
引作梁惠成王十年

入河水于圃田

潞水注引
圃作甫

又

爲大溝而引圃水

瑕陽人自秦導岷山青衣水

來歸

青衣水
注引同

九年秦師伐鄭次于懷

城殷

水經沁水注引同二條
合作一條太平寰宇記

四十八引作至于懷殿路
史國名紀五引亦無城字

東周惠公傑薨

此條本脫从史記六國表集解

補引

十年

水經河水注濟水注濁漳水注引作梁惠成王十二年

楚師出河水以水長

垣之外

河水注引

龍賈帥師築長城于西邊

濟水注引

鄭取屯留尚子

太平御覽一百六十三引同下有卽長子之地也六字濁漳水注引于下有湟字太

平寰宇記四十五引尚作長

十一年

水經河水注濟水注引作梁惠成王十二年

鄭釐侯使許息來致地

平丘戶牖首垣諸邑及鄭馳地我取枳道與鄭鹿

河水注引同孫本馳地作馳道

王及鄭釐侯盟于巫沙以釋宅陽之

圍歸釐于鄭

濟水注引同宅本作它從濟水注引改

齊威王立

此條本脫史記魏世

家索隱云紀年齊桓公之十八年而威王立又田完世家索隱云紀年梁惠王十三年當齊桓公十八年後威王始見今補

十二年

史記魏世家索隱引作梁惠成王十四年

魯恭侯宋桓侯衛成侯鄭

釐侯來朝

魏世家索隱引同

於越子無顓卒是爲莢蠋卯

次無疆立

史記越世家索隱引紀年無顯八年薨是葵蠟卯

十三年邯鄲成侯會燕成侯于安邑

史記六國表梁惠成王十五年

魯衛宋鄭侯來集解徐廣曰紀年一曰魯共侯來朝邯鄲會燕成侯平安邑似與上文作一年事今本僅據史記故附于此年

遣將龍賈築陽池以備秦

此條本脫太平寰宇記九引竹書紀年曰梁惠王十五年遣將

龍賈築陽池以備秦水經濟水注云竹書紀年梁惠成王十二年龍賈築長城于西邊自亥谷以南鄭所城矣竹書云是梁惠成王

十五年築也與此條合今補

十四年

水經潛水注濟水注鮑丘水注引作梁惠成王十六年

秦公孫壯伐鄭圍

焦城不克

潛水注引同

秦公孫壯率師城上枳安陵

山民

潛水注引民作氏

邯鄲伐衛取漆富丘城之

引改齊師及燕師戰于洵水齊師遁

鮑丘水注引同燕下本脫師字从鮑

丘水注引補

邯鄲四墮室多壞民多死

此條本脫从開元占經一百一引補

十五年

水經濟水注洛水注潛水注澧水注引作梁惠成王十七年

齊田期伐我東鄙

戰于桂陽我師敗逋

濟水注引同史記孫武列傳索隱引紀年云梁惠王十七年齊田忌敗梁

于桂陵又田完世家索隱云田成思戰國第
作田期思紀年謂之徐州子期蓋卽田忌也

東周與鄭高

都

洛水注引同

鄭釐侯來朝中陽

僧水注引同

宋景鼓衛公

孫倉會齊師圍我襄陵

澧水注引景鼓作景公齊
字本脫从澧水注引補

十六年

水經澧水注引作
梁惠成王十八年

王以韓師敗諸侯師于襄

陵

澧水注引王作惠成王今本無敗字
諸侯下師字作帥縣今从澧水注改

齊侯使楚景舍

來求成

澧水注引同

邯鄲之師敗我師于桂陵

史記魏
世家索

隱引紀年十八年
趙又敗魏桂陵

秦伐韓闕與惠成王使趙往破

之

此條本論作注下云不知是何年是後探撥者附于此今
从孫本徐本改作正文往字本脫吳本作王今从徐本補

十七年

水經澧水注引作
梁惠成王十九年

燕人伐趙圍濁鹿趙靈王

及代人救濁鹿敗燕師于勺梁

水經澧水注引同今本
燕下脫入字勺下脫梁

字代作伐从
澧水注引改

晉取元武獲澤

澧水注引同

十八年

史記蘇秦列傳正義太平寰宇
記十三引作梁惠成王二十年

齊築房以爲長城

太平寰宇記引同蘇秦列傳正
義引作齊閔王築防以爲長城

齊殺其王后

此條本脫史
記田完世家

索隱引紀年宣王八年殺其王后今補

十九年王如衛命公子南為侯

漢書武帝紀注臣瓚曰汲郡古文謂衛將軍文

子為子南彌牟其後有子南固子南勁紀年勁朝于魏後魏成侯如衛命子南為侯水經汝水注引同今本無勁朝于魏之文

二十年

今本僅有此年案今本紀年後人改从周正故于周王暨晉魏改元雖無事亦必紀年以存其舊此不應有年

無事疑本有各條皆後人傳寫脫去餘做此

韓玘弑其君悼公

此條本脫史記韓世家韓姬弑其君

悼公索隱云紀年姬亦作玘今據年表補在此年

二十一年魏殷臣趙公孫哀伐燕還取夏屋城曲

逆

水經瀧水注引同

二十二年壬寅孫何侵楚入三戶郭

水經丹水注引同入本作人郭

本作乳从丹水注引改丹水注引此本無年壬寅是紀日非紀年也楚伐徐州

二十三年

水經汾水注引作梁惠成王二十五年

魏章帥師及鄭師伐楚

取上蔡

水經汝水注引同

孫何取潁陽

水經潁水注引同

秦孝公

會諸侯于逢澤

水經渠水注引同案史記六國表梁惠王二十九年當秦孝公二十年諸侯畢賀會諸侯

于澤集解徐廣曰紀年作逢澤此條當次在顯王二十七年
今本以上三條皆僅據水經注所引不紀年故誤附于此

絳中地塿西絕于汾汾水注引同

二十四年史記魏世家索隱引作梁惠成王二十六年魏敗韓馬陵魏世家索隱引同

二十五年

二十六年水經渠水注引作梁惠成王二十八年穰庇帥師及鄭孔夜戰

于梁赫鄭師敗渠水注引穰庇作穰苴與齊田盼戰于馬陵

史記魏世家索隱引同子孟嘗君列傳田忌與孫臏田嬰俱伐魏敗之馬陵索隱云紀年當梁惠王二十八年孫武列傳索隱又引紀

年云二十七年十二月齊田盼敗梁于馬陵皆與今本異

二十七年水經泗水注史記魏世家索隱引作梁惠成王二十九年五月齊田盼及

宋人伐我東鄙圍平陽魏世家索隱引無及宋人三字泗水注引無五月二字

九月秦衛鞅伐我西鄙魏世家索隱引同商君列傳索隱引我作梁十月

邲鄆伐我北鄙魏世家索隱引同王攻衛鞅我師敗魏世家索隱引同

家索隱引通作績

二十八年

史記商君列傳索隱水經濁漳水注引作梁惠成王三十年

城濟陽

水經濟水注引此作

梁惠成王十三年或

是三十年傳寫之誤 秦封衛鞅于鄆改名曰商

鄆本作鄆

濁漳水注引亦作鄆從後漢書光武紀注引改商本作尚從濁漳水注引改

二十九年

史記魯世家索隱水經渠水注引作梁惠成王三十一年

邳遷于薛

魯世家索隱引

邳上有下字

三月爲大溝于北郭以行圃田之水

渠水注引

同

三十年

今本僅有此年

秦與魏戰岸門

此條本脫史記秦本紀孝公二十四年與晉戰鴈門

索隱云紀年云與魏戰岸門年表在孝公二十三年今據補

三十一年秦蘇胡帥師伐鄭韓襄敗秦蘇胡于酸

水

不知何年附此○案水經濟水篇注引此條本不記年今本已見烈王二年復附于此以此愈知今本紀年之爲後人所綴集

也 魏救中山塞集胥口

史記蘇秦列傳集解引紀年曰魏救中山塞集胥口索隱云紀年

作胥蓋亦津名鮑彪國策注引作魏救中山是集解所引本脫中字今從之以下三條本脫俱不知何年今附于此

齊

師伐趙東鄙圍中牟

左傳定九年正義水經渠水注俱引此條

陰司馬敗

燕公子翬于武垣見王存元豐九域志

三十二年

三十三年鄭威侯與邯鄲圍襄陵史記韓世家索隱引紀年云鄭昭侯薨次

威侯立威侯七年與邯鄲圍襄陵今本紀年不載威侯之立尋按前後所引文義孟嘗君列傳索隱引紀年梁惠王後元十一年韓

昭侯猶在則威侯七年圍襄陵當在顯王四十八年以後今次于此誤也詳見下

三十四年魏惠成王三十六年改元稱一年史記魏世家

家田完世家索隱引同王與諸侯會于徐州 於越子無疆

伐楚

三十五年楚吾得帥師及秦伐鄭圍綸氏不知何年附此○水

經洛水篇注後漢書黃瓊傳注路史後紀十四引此俱不記年

三十六年楚圍齊于徐州遂伐於越殺無疆史記越世家

家索隱云按紀年粵子無疆薨後十年楚伐徐州無敗楚越殺無疆之語是無疆為無疆之後紀年不得錄也今本載在此年距無

顯薨後已二十三年又引遂伐越殺無疆與索隱所引不同

三十七年

三十八年龍賈及秦師戰于雕陰我師敗逋 王

會鄭威侯于巫沙史記韓世家索隱引紀年威侯七年與邯鄲圍襄陵五月梁惠王會威侯于巫沙十

月鄭宣王朝梁皆一年據索隱所引梁惠成王後元十一年韓昭侯猶在昭侯卽于是年卒威侯七年亦當在今王二十二年豈有與梁

惠王會于巫沙之事索隱所引此文疑有脫誤

三十九年秦取我汾陰皮氏

四十年

四十一年秦歸我焦曲沃

四十二年九鼎淪泗沒于淵孫本無四字

四十三年

四十四年衛平侯卒子孝襄侯立此條本脫史記衛世家平侯八年子嗣君

立索隱云樂資據紀年以嗣君卽孝襄侯今據年表補

四十五年楚敗我襄陵史記孟嘗君列傳田嬰與韓昭侯魏惠王會齊宣王于平阿索隱引

紀年當後元之十一年今本無此文

四十六年

四十七年會齊威王于鄆

此條本脫史記孟嘗君列傳索隱引紀年此文在惠王後元十

三年今補

四月齊威王封田嬰于薛十月齊城薛

此條亦據

孟嘗君列傳索隱引補

四十八年王陟

薛子嬰來朝

此條亦據孟嘗君列傳索隱引在惠王後元十

四年今補索隱又引紀年云嬰初封于彭城

鄭昭侯武薨次威侯立

此條本脫史記

韓世家索隱引紀年鄭昭侯武薨次威侯立威侯七年五月梁惠王會威侯于巫沙十月鄭宣侯朝梁據今本鄭宣王朝梁在隱王

元年以索隱所引校之隱王元年今王立五年矣豈有梁惠王會威侯于巫沙之事足知今本紀年之謬今舊本既無可考證威侯

之立仍依下文年次補于此年又史記韓非列傳索隱引紀年云韓昭侯之世兵寇屢交今亦無此文

慎靚王

元年辛丑秦取我曲沃平周

史記樛里子列傳秦惠王八年使將而伐曲沃盡出

其人取其城地入秦索隱云王劭按本紀年表及此傳三處記秦伐國並不同又與紀年不合當即此事

齊威王

薨此條亦據孟嘗君列傳索隱引紀
年在梁惠王後元十五年今補

二年魏惠成王薨杜預春秋後序云紀年篇惠王三十六年
改元從一年始至十六年而稱惠成王卒

卽惠
王也

三年今王元年史記魏世家集解云案古文惠成王立三十
六年改元稱一年後十七年卒太史公書爲

誤分惠成之世以爲二王之年數也世本惠王生襄王而無哀王
然則今王者魏襄王也荀勗穆天子傳序亦云紀年今王於世本
蓋襄王也故諸書引今王紀年皆作魏襄王索隱云紀年之作失
哀王之代故分襄王之年爲惠王後元卽以襄王之年包哀王之
代耳下哀王卒又引汲冢紀年終于哀王二十
年蓋承史記正文而言非以今王爲哀王也

四年

五年

六年史記趙世家集解
引作魏襄王四年鄭侯使韓辰歸晉陽及向水經
濟水

注引無
及字二月城陽向更名陽爲河雍向爲高平水經
濟水

注引同趙世家集解引作河陽秦本紀集解又
引作宜陽范雎列傳正義引平下有拔之二字碧陽君之

諸御產二龍此條本脫開元占經一百十
三引此文在今王四年今補

隱王

元年丁未十月鄭宣王來朝

案史記韓世家昭侯卒子宣惠王立紀年作次威侯

立索隱引紀年威侯七年十月鄭宣王朝梁不見威侯之卒下敗韓舉在威侯八年又韓舉下引紀年云其敗當韓威王八年鄭宣

王卽鄭威侯隨事見文故或曰宣王或曰威侯古威宣通用史記齊宣王紀年作齊威王其證也故下文仍以威侯紀年明不卒于

此年索隱疑此年不見威侯之卒分威侯與宣王爲二人非是又索隱云又上有殺悼公悼公又不知是誰之謚疑亦紀年之文

燕子之殺公子平不克

史記燕世家燕人共立太子平索隱云紀年云子之殺公子平

今此又云立太子平今本不克二字是後人據史記所增

齊師殺子之醢其身

燕世家集解引

殺作醢

趙召公子職於韓立以爲燕王

此條本勝史記趙世家有此文

集解徐廣曰紀年亦云爾索隱云燕世家無其事蓋是疎也紀年之書其說又同則裴駟之解得其今據年表補

二年齊地暴長長七丈餘高一尺

太平御覽八百八十一引此作周隱王二年

與今本同暴字本作景長下脫七字从御覽引改

魏以張儀爲相

秦取我

焦

此條本脫路史國名紀五引紀年魏襄王六年秦取我焦今補

三年

水經濟水注河水注引作魏襄王七年

韓明帥師伐襄丘

濟水注引同

秦

王來見于蒲阪關

河水注引同

四月越王使公師隅來

獻舟三百箭五百萬及犀角象齒

河水注引獻下有乘舟始罔及五字萬下

無及

五月張儀卒

史記張儀列傳索隱引紀年云梁哀王九年五月卒史記哀王卽紀年襄王也

韓世家集解亦云魏哀王十九年紀年于此說楚入雍氏楚人敗其時張儀已死十年則張儀之卒當在魏襄王九年五月不得次

在此

楚景翠圍雍氏韓宣王卒秦助韓共敗楚

屈丐

此條本脫从史記韓世家集解引補

齊宋圍賁棗

此條亦从韓世家集解引補

四年

史記魏世家索隱引作魏襄王八年

翟章伐衛

魏世家索隱引同

魏敗趙

將韓舉

史記韓世家索隱引在威侯八年當在鄭宣王朝梁之次年

五年

水經洛水注引作魏襄王九年洛入成周山水大出

洛水注引同

六年

水經濟水注引作魏襄王十年

十年大霖雨疾風河水溢酸棗

郭

溢字郭字本脫从濟水注引補

楚庶章帥師來會我次于襄丘

濟水注引同

七年翟章救鄭次于南屈

此年未的○案漢書地理志臣瓚注水經河水注引不記年漢

書注引
次作至

八年

水經汾水注引作魏襄王十二年

秦公孫爰帥師伐我皮氏

汾水注引

我下有圍字

翟章帥師救皮氏圍疾西風

汾水注引同

九年

水經汾水注引作魏襄王十三年

城皮氏

汾水注引同

褚里疾圍蒲

不克秦惠王薨

此條本脫史記樽里子列傳秦昭王元年樽里子將伐蒲索隱云紀年云褚里疾圍蒲不

克而秦惠王薨事與此合今據補

十年秦內亂殺其太后及公子雍公子壯

此條本脫從史記穰

侯列傳索隱引補據秦本紀事在昭王二年

十一年

十二年秦拔我蒲坂晉陽封谷

史記魏世家哀王十六年秦拔我陽晉封陵索

隱云紀年作晉陽封谷

十三年

水經河水注引作魏襄王十七年

邯鄲命吏大夫奴遷于九

原將軍大夫適子代史皆貂服

河水注引九原下有命字代史作伐吏

十四年

十五年

水經濟濟水注引作魏襄王十九年

薛侯來會王于釜丘

釜丘本

從濟水注引改吳本孫本作釜丘

楚入雍氏楚人敗

史記韓世家集解魏哀王十九年紀

年于此亦說楚入雍氏楚人敗樽里子列傳索隱云是再圍也

十六年王與齊王會于韓

今王終二十年

史記魏世

家索隱云汲冢紀年終于哀王二十一年哀王即襄王也說已見前

光緒歲在闕逢涪灘國子監肄業生吳縣朱記榮

校刊

竹書紀年卷下